

### Innflutningsleyfi - eftirlitsgjald

Sækja þarf um innflutningsleyfi til Matvælastofnunar (Mast) tímanlega fyrir innflutning. Sótt er um í gegnum þjónustugátt Mast (sjá [www.mast.is](http://www.mast.is)). Greiða skal eftirlitsgjald að upphæð kr. 37.400 og greiðsluupplýsingar eru sendar umsækjanda þegar umsókn hefur borist. Þegar Mast hefur borist staðfesting á greiðslu, verður innflutningsleyfi gefið út. Evrópska gæludýravegabréfið nægir ekki vegna innflutnings á ketti til Íslands.

### Kostnaður við innflutning

Kostnaður við innflutning katta er þrjúþættur og ber innflytjandi þann kostnað:

- 1) Gjald vegna innflutningseftirlits, greitt til Matvælastofnunar (37.400).
- 2) Gjald vegna einangrunar. Einangrunarstöðin veitir upplýsingar um það.
- 3) Dýralækniskostnaður vegna undirbúnings innflutnings ytra, þ.e. vegna bólusetninga, sýnataka ofl.

### Einangrun

Allir innfluttir kettir þurfa að vera í fjögurra (4) vikna einangrun. Innflytjandi skal sjálfur sækja um pláss í einangrunarstöð. Einangrunarstöðin í Reykjanesbæ (Höfn) er sem stendur eina samþykkt einangrunarstöðin fyrir gæludýr á Íslandi. Einungis er tekið við dýrum á fyrirfram ákveðnum komudögum (að jafnaði 3 dagar í hverjum mánuði). Einangrunarstöðin veitir nánari upplýsingar um einangrun, kostnað og komudaga. Mælt er með að panta pláss tímanlega þar sem biðlisti getur myndast.

### Innflutningsstaður og komutími

Keflavíkurflugvöllur er eini samþykkti innflutningsstaðurinn fyrir gæludýr. Leyfilegur komutími dýra er á milli kl. 05:00 og 17:00 á fyrirfram ákveðnum komudögum. Ef nauðsynlegt er að senda ketti með flugi sem lendir utan þess tíma þarf að sækja sérstaklega um það með a.m.k. viku fyrirvara. Verði slíkt leyfi veitt getur talsverður aukakostnaður fallið á innflytjanda vegna eftirlits og umönnunar dýranna á Keflavíkurflugvelli.

### Flutningsbúr

Kettir skulu vera í flutningsbúri sem er það stórt að þeir geti staðið í því, legið og snúið sér við. Búrið á að vera úr efni sem auðvelt er að þrifa og sótthreinsa. Ef ekki er hægt að þrifa og sótthreinsa búrið verður því fargað að loknum innflutningi. Mjúk búr eða töskur eru ekki leyfilegar.

### Lágmarksaldur innfluttra katta

Lágmarksaldur fyrir innflutta katta er 7 mánuðir (204 dagar). Þó geta kettir sem koma frá löndum þar sem ekki er hundaaæði verið 5 mánaða gamlir við innflutning. Lönd sem eru skilgreind Mast sem án hundaaðis eru Ástralía, Bretland, Finnland, Færeyjar, Hawaii, Írland, Japan, Noregur (Svalbarði undanskilinn), Nýja-Sjáland og Svíþjóð.

### Heilbrigðiskröfur

Uppfylla skal allar heilbrigðiskröfur vegna innflutnings og halda tímamörk vegna bólusetninga, sýnataka ofl. (s. 2-3). Senda skal heilbrigðis- og upprunavottorð ásamt fylgiskjölum til Mast með tölvupósti a.m.k. 5 virkum dögum fyrir innflutning til skoðunar og samþykktar. Frumrit vottorðs og niðurstaða hundaaðismótefnamælingar ásamt innflutningsleyfi skal fylgja kettinum við innflutning (í umslagi og fest tryggilega á búrið).

### Óheimill innflutningur

Óheimilt er að flytja inn kettlingafullar læður, læður með kettlinga á spena og ketti sem hafa undirgengist aðgerðir skömmu fyrir innflutning og þarfnast meðferðar af einhverju tagi.

# Ólöglegur innflutningur

Kettir sem ekki uppfylla skilyrði vegna innflutnings verða sendir úr landi eða aflífaðir bótalaust og á kostnað innflytjanda.

## Lög og reglur

Lög nr. 54/1990 um innflutning dýra, reglugerð 935/2004 um innflutning gæludýra og hundasæðis og reglugerð 432/2003 um einangrunarstöðvar og sóttkvíar fyrir gæludýr kveða á um skilyrði vegna innflutnings og einangrunar gæludýra.

# HEILBRIGÐISKRÖFUR

## Heilbrigðis- og upprunavottorð vegna innflutnings á ketti til Íslands

Eingöngu það vottorðseyðublað sem gefið er út af Mast í þessum tilgangi er tekið gilt. Vottorðið er gefið út á ensku. Nauðsynlegt er að hlutar 1-8 séu rétt útfylltir svo hægt sé að meta vottorðið. Upplýsingar um innflytjanda og kött skulu vera í samræmi við upplýsingar á innflutningsleyfi. A.m.k. 5 dögum fyrir innflutning skal senda skannað afrit af heilbrigðis- og upprunavottorðinu (allar 4 síður) ásamt niðurstöðum hundasæðismótefnamælingar með tölvupósti til Mast (petimport@mast.is). Samþykki skal liggja fyrir áður en kötturinn er fluttur til Íslands.

**Eftirfarandi gögn skulu fylgja kettinum við innflutning (í umslagi sem er límt á búið):**

- 1) frumrit heilbrigðis- og upprunavottorðs;
- 2) frumrit hundasæðismótefnamælingar (rabies antibody titre test report);
- 3) innflutningsleyfi. Einnig þarf að leggja fram við tollinn reikning þar sem kaupverð dýrsins kemur fram, hafi eigandi átt það skemur en í 12 mánuði.

## Örmerki

Kettir skulu merktir með örmerki sem uppfyllir ISO staðla. Örmerking skal framkvæmd áður en bólusetningar og sýnatökur vegna innflutnings fara fram.

## Bólusetningar

### a) Hundasæði (bólusetning og mótefnamæling)

- Bólusetning skal hafa farið fram í mesta lagi **365 dögum** fyrir innflutning.
- Kötturinn skal hafa verið a.m.k. **12 vikna** gamall við fyrstu bólusetningu.
- **120 dagar** þurfa að líða frá fyrstu bólusetningu þar til kötturinn má koma til landsins (svo fremi sem niðurstaða mótefnamælingar er fullnægjandi). Sé um gilda endurbólusetningu að ræða (og niðurstaða mótefnamælingar er fullnægjandi) er heimilt að flytja köttinn inn 30 dögum eftir endurbólusetningu.

- Mæla skal magn hundaæðismótefnis í blóði í fyrsta lagi **30 dögum** eftir bólusetningu og skal það vera a.m.k. 0,5 a.e./ml (IU/ml). Mælingin skal framkvæmd á rannsóknarstofu sem samþykkt er af ESB í þessum tilgangi (sjá tengil á [www.mast.is](http://www.mast.is) / innflutningur gæludýra).
- Mælist mótefni ekki nægjanleg telst sú bólusetning sem framkvæmd er í kjölfar mælingar, vera fyrsta bólusetning.
- Lönd án hundaæðis: Ekki þarf að bólusetja/mótefnamæla ketti gegn hundaæði sem fluttir eru frá og hafa verið a.m.k. 6 mánuði í löndum sem flokkast sem lönd án hundaæðis. Þau lönd eru Ástralía, Bretland, Finnland, Færeyjar, Hawaii, Írland, Japan, Noregur (á þó ekki við um Svalbarða), Nýja-Sjáland og Svíþjóð.

#### b) Kattafár (feline panleukopenia)

- Bólusetning skal hafa farið fram á síðustu **365 dögum** fyrir innflutning en þó eigi síðar en **30 dögum** fyrir innflutning, þ.e. a.m.k. 30 dagar þurfa að vera liðnir frá síðustu bólusetningu gegn kattafári þar til flytja má köttinn inn.

#### c) Kattaflensa (rhinotracheitis)

- Bólusetning skal hafa farið fram á síðustu **365 dögum** fyrir innflutning en þó eigi síðar en **30 dögum** fyrir innflutning, þ.e. a.m.k. 30 dagar þurfa að vera liðnir frá síðustu bólusetningu gegn kattafári þar til flytja má köttinn inn.

#### d) Kattakvef (feline calicivirus)

- Bólusetning skal hafa farið fram á síðustu **365 dögum** fyrir innflutning en þó eigi síðar en **30 dögum** fyrir innflutning, þ.e. a.m.k. 30 dagar þurfa að vera liðnir frá síðustu bólusetningu gegn kattafári þar til flytja má köttinn inn.

### Sýnatökur (aðrar en mótefnamæling vegna hundaæðis) (í mesta lagi 30 dögum fyrir innflutning)

#### a) Kattaalnæmi (feline immunodeficiency virus, FIV)

- Í mesta lagi **30 dögum** fyrir innflutning skal taka blóðsýni til rannsóknar á FIV. Sé sýnið jákvætt er óheimilt að flytja köttinn til landsins.

#### b) Kattahvítblæði (feline leukemia virus, FeLV)

- Í mesta lagi **30 dögum** fyrir innflutning skal taka blóðsýni til rannsóknar á FeLV. Sé sýnið jákvætt er óheimilt að flytja köttinn til landsins.

#### c) Salmonella spp.

- Í mesta lagi **30 dögum** fyrir innflutning skal taka saursýni til rannsóknar á *Salmonella* spp. Sé sýnið jákvætt er óheimilt að flytja köttinn til landsins.

### Heilbrigðissskoðun og sníkjudýrameðhöndlun (í mesta lagi 10 dögum fyrir innflutning)

#### a) Heilbrigðissskoðun

- 5-10 dögum fyrir innflutning skal kötturinn skoðaður af dýralækni sem vottar að hann hafi engin einkenni smitsjúkdóms.

#### b) Bandormahreinsun

- 5-10 dögum fyrir innflutning skal dýralæknir meðhöndla köttinn gegn bandormum (*E. multilocularis*, *E. granulosus*) með viðurkenndu dýralyfi.

#### c) Útvortis sníkjudýr

- 5-10 dögum fyrir innflutning skal dýralæknir meðhöndla köttinn gegn útvortis sníkjudýrum (þ.m.t. eyrnamaurum, sé ástæða til) með viðurkenndu dýralyfi.